



ՍՈՒՐԲ ԶԱԿՈՐ

ԱՌԱՋՆՈՐԴԱՆԻՍՏ ՄԱՅՐ Մ ԿԵՂԵՅԻ

ԳԱՍՏԵԱՆ ԿԻՐԱԿԻ
6 ԱՊՐԻԼ 2025

Կիրակնօրեայ Ընթերցումներ
Ծանուցումներ
Ողորմութեան Կանչ Մը (Շար. 39)

Էջ 1-4
Էջ 5-8
Էջ 5

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳԻՐՔԷՆ (66.1-24)

Տէրը այսպէս կ'ըսէ.-
«Երկիրքը իմ աթոռն է եւ երկիրը՝
ոտքերուս պատուանդանը: Ինչպիսի՞ տուն
պիտի շինէք ինծի համար, կամ ո՞ւր պիտի ըլլայ
իմ հանգստավայրս. որովհետեւ երկիրքն ու
երկիրը ե՛ս ստեղծեմ եմ եւ իմս եմ,- կ'ըսէ Տէրը:
Սակայն ես պիտի բնակիմ անո՛ր մէջ՝ որ հեզ է
եւ քաղցր, եւ երկրաշնորհեամբ կը հնազանդի
իմ խօսքերուս:

Գալով անօրէն մարդուն, անոր՝ ինծի եզ
զոհելը մարդասպանութեան համազօր է, ոչխար
զոհելը՝ շուն մորթելու, նաչիհ մատուցանելը՝
խոզի արիւն ընծայելու, եւ իմ անունիս կնդրուկ
ծխելը՝ ինծի հայհոյելու, որովհետեւ իրենք իրենց
ցանկութիւնները կատարեցին եւ հոգիով իրենց
գարշելի կուռքերուն փարեցան: Ուստի ես ալ
հրապարակաւ պիտի խայտառակեմ զիրենք եւ
իրենց մեղքերուն փոխարէնը պիտի հատուցանեմ
իրենց. որովհետեւ կանչեցի զիրենք եւ չլսեցին
զիս, խօսեցայ եւ մտիկ չըրին, եւ ըրին այն ինչ որ
չար է իմ աչքիս, ընտրեցին այն ինչ որ կամքիս
հակառակ էր»: Լսեցէ՛ք Տիրոջ պատգամը, ո՛վ
աստուածավախներ. ձեզ ատող եւ ձեզ զգուելի
համարողներուն ըսէք, ո՛վ եղբայրներ, թէ Տիրոջ
անունը պիտի փառաւորուի եւ այդ փառքը ձեր
ուրախութեան մէջ պիտի արտացոլայ, իսկ իրենք
ամօթով պիտի մնան: Ահա քաղաքէն աղաղակ
մը կը լսուի, ձայն մը՝ որ տաճարէն կու գայ:

Տիրոջ ձայնն է, որ իրեն հակառակորդներուն
հատուցանելիք պատիժը կը վճռէ: Կարելի՞ բան
է որ կին մը հազիւ յղացած՝ ծնի, որ երկունքի
ցաւ չքաշէ եւ առանց երկունքի արու զաւակ մը
ծնի: Միթէ լսուած կամ տեսնուած բան է որ
երկիրը մէկ օրուան մէջ յղանայ եւ մէկ անգամէն
ամբողջ ազգ մը ծնի: Բայց ահա Սիրոն այդպէ՛ս
յղացաւ եւ ծնաւ իր զաւակները: «Ե՛ս այդ յոյսը
տուի քեզի, եւ դուն զիս մոռցար,- կ'ըսէ Տէրը,-
մոռցար որ ե՛ս է որ կը ստեղծեմ ամուլը եւ
ծնանողը», - կ'ըսէ քու Աստուածդ: Ուրախացի՛ր,
Երուսաղէ՛մ, եւ դուք՝ Երուսաղէմը սիրողներ,
այնտեղ տօն կատարելու հաւաքուեցէ՛ք. անոր
հետ միասին ուրախացէ՛ք եւ ցնծացէ՛ք դուք՝
որ անոր համար նստած սուգ կ'ընէիք, քանի
կատարեալ մխիթարութիւն պիտի գտնէք անոր
մայրական գիրկին մէջ, եւ կուշտ ու կուռ պիտի
վայելէք անոր գալիք փառքը: Որովհետեւ Տէրը
այսպէս կ'ըսէ.- «Ահաւասիկ ես խաղաղութեամբ
պիտի ողողեմ զիրենք, գետի մը պէս, ազգերու
փառքով պիտի ծածկեմ, յորդահոս հեղեղի մը պէս:
Անոնց զաւակները ուսերու վրայ պիտի բերուին
եւ ծունկերու վրայ պիտի գգուուին: Ինչպէս
մայր մը կը գգուէ իր մանուկը, այնպէս պիտի
գգուեմ ձեզ եւ մխիթարութիւն պիտի գտնէք»:
Այո՛, պիտի տեսնէք այս բաները եւ ձեր սիրտերը
խնդութեամբ պիտի լեցուին, ձեր մարմինները
դալար խոտի պէս պիտի թարմանան: Տիրոջ ձեռքը
պահապան պիտի ըլլայ իր երկրաշնորհներուն վրայ,
իսկ անհաւատներու գլխուն որպէս սպառնալիք
պիտի կախուի, որովհետեւ ահա Տէրը կու գայ
կրակի պէս եւ անոր կառքերը՝ մրրիկի պէս,
իր բարկութեամբ հատուցանելու եւ բոցավառ
կրակով բնաջնջելու: Այո՛, Տէրը կրակով պիտի
դատէ բոլոր մարդիկը, եւ շատ պիտի ըլլան Տիրոջ
սուրով ինկողները: «Անոնք որ մաքրութեան
յատուկ ծէսերէ կ'անցնին՝ պարտէզներու մէջ

կուռքեր պաշտելու համար, եւ սրահներու մէջ քաշուած՝ խողի միս, գարշելի կենդանիներ եւ մուկ կ'ուտեն, միասին պիտի բնաջնջուին,- կ'ըսէ Տէրը,- որովհետեւ ես գիտեմ իրենց ծածուկ գործերն ու խորհուրդները: Ահա ես կու գամ բոլոր ազգերն ու ժողովուրդները հաւաքելու: Անոնք պիտի գան եւ իմ փառքս տեսնեն: Անոնցմէ ինծի հաւատարիմ մնացողներուն վրայ նշան պիտի դնեմ, եւ այդ փրկուածները պիտի ղրկեմ բոլոր ազգերուն, դէպի Սպանիա, Լիպիա, Լիդիա, Փուրգիա, Կիլիկիա եւ Յունաստան, եւ մինչեւ հեռաւոր կղզիներ որոնք իմ անունս չեն լսած եւ փառքս չեն տեսած: Անոնք այս ազգերուն պիտի պատմեն իմ փառքս եւ անունս, եւ բոլոր ազգերուն մէջէն ձեր եղբայրները գտնելով՝ զանոնք ինծի պիտի բերեն որպէս նուէր: Պիտի բերեն ձիերով ու կառքերով, եւ ձիաքարշ ծածկաւոր գահաւորակներով, այնպէս՝ ինչպէս Իսրայէլի որդիները սաղմոսելով իմ տաճարս կու գային իրենց զոհերը ինծի բերելով. եւ ես անոնց մէջէն ինծի համար քահանաներ ու ղեկավարներ պիտի ընտրեմ,- կ'ըսէ Տէրը: Եւ ինչպէս նոր երկիրքն ու նոր երկիրը գոր ահա ես կը ստեղծեմ ինձմով պիտի գոյատեւեն, այնպէս ալ ձեր սերունդն ու ձեր անունը ինձմով պիտի գոյատեւեն,- կ'ըսէ Տէր Աստուած,- եւ իրենց դէմ մեղանշած մարդոց դիակները, որոնց վրայէն որդերը պիտի չպակսին, եւ որոնք անդադար պիտի այրին, բոլոր մարդոց օրինակ ըլլալու համար»:

ԸՆԹԵՐՑՈՒՄ

ՊՕՂՈՍ ԱՌԱՔԵԱԼԻ ԿՈՂՈՍԱՑԻՆԵՐՈՒՆ

ԳՐԱԾ ՆԱՄԱԿԷՆ

(2.16-3.17)

Կարեւորութիւն մի՛ տաք անոնց որոնք ձեզ կը քննադատեն թէ ինչո՞ւ չէք պահել ուտելու եւ խմելու, տօնակատարութեանց, ամսամուտերու եւ Շաբաթ օրերու վերաբերող կանոնները. որովհետեւ այդ բոլորը գալիք իրականութեանց շուքն էին, իսկ իրականութիւնը Քրիստոսի մէջ է:

Ձըլլայ որ ոեւէ մէկը իր խստակրօնութեամբ, հրեշտակներուն տուած կարեւորութեամբ եւ

զանազան բաներու տեսիլքներով ձեզ մոլորեցնէ եւ մրցանակէն զրկէ. որովհետեւ այդպիսիները մարդկային հպարտութենէ տարուած են եւ կ'ուզեն իրենք զիրենք պարտադրել ձեզի: Անոնք կապ չունին Գլուխին՝ Քրիստոսի հետ. մինչդեռ մարմինը՝ Քրիստոսի եկեղեցին, իր բոլոր յօդերով ու խաղերով Գլուխին կապուած ու միացած, անկէ կ'առնէ իր աճումը, Աստուծոյ կամքին համաձայն:

Քանի Քրիստոսի հետ մեռաք եւ բնութեան ոյժերու տիրապետութենէն դուրս եկաք, ինչո՞ւ կը շարունակէք ապրիլ այնպէս՝ որպէս թէ ձեր կեանքը աշխարհէն կախում ունենար, եւ կը հնազանդիք մարդոց կողմէ տրուած եւ ուսուցուած պատուիրաններու, ինչպէս. «Մի՛ մօտենար, մի՛ ուտեր, մի՛ դաչիր», եւ այլն: Ասոնք բոլորն ալ բաներ են՝ որոնք գործածութեամբ կը փճանան: Այդպէս պատուիրողները իմաստուն կրնան թուիլ՝ իրենց բարեպաշտական ինքնակամ արտայայտութիւններով, խստակրօնութեամբ եւ մարմինը անխնայ կերպով ճնշելով, բայց այս բաները որեւէ արժէք չունին եւ միայն մարմինը բաւարարելու կը ծառայեն:

Քանի որ յարութիւն առիք Քրիստոսի հետ, այսուհետեւ ձեր ուշադրութիւնը երկիրք դարձուցէք, որովհետեւ հոն է Քրիստոս, Հօր աջ կողմը նստած: Երկնաւոր բաներու մասին խորհեցէք եւ ոչ երկրաւոր բաներու. որովհետեւ դուք այս աշխարհին համար մեռաք, որպէսզի Քրիստոսի հետ միասին ապրիք այն կեանքով որ Աստուած վերապահած է ձեզի: Իսկ երբ Քրիստոս՝ մեր կեանքը՝ յայտնուի, այն ատեն դուք ալ փառքով պիտի յայտնուիք անոր հետ:

Հետեւաբար մեռցուցէ՛ք ձեր մէջ երկրաւոր ցանկութիւնները, այսինքն՝ ձեզմէ դուրս վանեցէք պոռնկութիւնը, պղծութիւնը, կիրքը, չար ցանկութիւնը եւ ազահուութիւնը՝ որ կռապաշտութիւն է. որովհետեւ այդ բոլորը Աստուծոյ անհնազանդ մարդոց գործերն են, եւ Աստուած պիտի պատժէ զանոնք: Նախապէս դուք ալ այդ բոլորը կ'ընէիք, երբ տակաւին այդ ցանկութիւններով կ'ապրէիք: Բայց հիմա ձեզմէ դուրս նետեցէք բարկութիւնը, զայրոյթը եւ չարութիւնը: Ձեր բերնէն որեւէ հայհոյութիւն կամ լկտի խօսք չլսուի: Սուտ մի՛ խօսիք իրարու:

Մոռցէք ձեր հին կեանքն ու նախկին գործերը, եւ նոր մարդ եղէք՝ ձեր Արարիչին պատկերին համաձայն նորոգուելով, որպէսզի զԱստուած ճանչնաք: Անգամ մը որ նորոգուեցաք՝ ա՛լ չկայ հրեայ կամ հեթանոս, թլփատուած կամ անթլփատ, բարբարոս, վայրենի, ծառայ կամ ազատ. կայ միայն Քրիստոս, որ ամէն ինչ է եւ բոլորին մէջ:

Հետեւաբար, որպէս Աստուծոյ կողմէ ընտրուած ու սրբուած եւ իր սէրը վայելող մարդիկ՝ զթասիրտ եղէք. եղէք ողորմած, քաղցր, խոնարհ, հեզ եւ համբերատար: Իրարու հանդէպ հանդուրժող եղէք. եւ ներեցէք իրարու, երբ մէկը միւսին դէմ տրտուել մը ունենաք: Ինչպէս Աստուած Քրիստոսի միջոցաւ ներեց ձեզի, այնպէս ալ դուք իրարու ներեցէք: Եւ այս բոլորին վրայ՝ աւելի սէր ունեցէք, որովհետեւ սէրը ամէն ինչի ամբողջացուցիչ շաղախն է: Ձեր սիրտերուն մէջ Քրիստոսի խաղաղութիւնը թող թագաւորէ, որովհետեւ Աստուած այդ խաղաղութեան կանչեց ձեզ մէկ մարմնի մէջ, որ Քրիստոսի եկեղեցին է: Ուստի շնորհակալ եղէք Աստուծոյ:

Թող Քրիստոսի խօսքը ձեր մէջ բնակի իր ամբողջ հարստութեամբ, որպէսզի կատարեալ իմաստութեամբ սորվեցնէք իրարու եւ զիրար խրատէք, եւ սաղմոսներով, օրհնութիւններով ու հոգեւոր երգերով ձեր սիրտերուն մէջ շնորհակալութեամբ զԱստուած օրհնէք: Եւ ինչ որ ալ ընէք, խօսքով թէ գործով, միշտ Տէր Յիսուսի անունով ըրէք, անոր միջոցաւ գոհութիւն յայտնելով Հօր Աստուծոյ:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՏԹԵՈՍԻ
(22.34-23.39)**

Երբ փարիսեցիները լսեցին, թէ Յիսուս սաղմոսները պապանձեցուց, իրարու քով եկան: Անոնցմէ մէկը, օրէնսգէտ մը, Յիսուսը փորձելու համար հարցուց. «Վարդապետ, Օրէնքին մէջ ո՞րն է մեծագոյն պատուիրանը»: Յիսուս ըսաւ անոր. «Միրէ քու Տէր Աստուածդ ամբողջ սրտովդ, ամբողջ հոգիովդ եւ ամբողջ մտքովդ»: Ասիկա է մեծագոյն եւ առաջին պատուիրանը: Երկրորդը ասոր նման է,

“Միրէ ընկերդ քու անձիդ պէս”: Այս երկու պատուիրաններէն կախեալ են ամբողջ Օրէնքը եւ մարգարէութիւնները»:

Երբ փարիսեցիները հաւաքուեցան, Յիսուս հարցուց անոնց. «Ի՞նչ կը խորհիք Քրիստոսի, խոստացուած Փրկիչին մասին: Որո՞ւն որդին է ան»: Անոնք պատասխանեցին. «Դաւիթի»: Յիսուս ըսաւ անոնց. «Բայց ինչպէ՞ս Դաւիթ Ս. Հոգիով ներշնչուած՝ զայն Տէր կը կոչէ ու կ'ըսէ. “Տէրը իմ Տիրոջս ըսաւ. – Աջ կողմս նստէ, մինչեւ թշնամիներդ ոտքերուդ տակ դնեմ որպէս պատուանդան”:

«Արդ, եթէ Դաւիթ զայն Տէր կը կոչէ, ինչպէ՞ս անոր որդին կ'ըլլայ»: Ոչ ոք կրցաւ պատասխան տալ Յիսուսի. եւ այդ օրուրէն սկսեալ ոեւէ մէկը չէր համարձակեր իրեն հարցում ուղղել:

Ապա Յիսուս ժողովուրդին եւ իր աշակերտներուն ըսաւ.

«Մովսէսի աթոռը նստան օրէնքի ուսուցիչներն ու փարիսեցիները: Իրենց ըսածներուն հնազանդեցէք եւ կատարեցէք զանոնք, սակայն մի՛ ընէք ինչ որ իրենք կ'ընեն. որովհետեւ անոնք կը սորվեցնեն, բայց չեն կատարեր: Անոնք ծանր եւ դժուարակիր բեռներ կը դնեն մարդոց ուսերուն, մինչ իրենք նոյն բեռները կրելու նուազագոյն ճիգն իսկ չեն ըներ: Ինչ որ կ'ընեն՝ մարդոց երեւելու համար կ'ընեն: Իրենց գրապանակները կը լայնցնեն եւ իրենց հագուստներուն ծոպերը կ'երկնցնեն: Ընթրիքներու ընթացքին պատուոյ տեղերը գրաւել կը սիրեն եւ ժողովարաններու մէջ՝ առաջին աթոռները: Կը սիրեն հրապարակներու վրայ մարդոցմէ բարեւներ ընդունիլ եւ “Վարդապետ”, այսինքն “ուսուցիչ” կոչուիլ: Բայց դուք ոեւէ մէկը “վարդապետ” մի կոչէք, որովհետեւ դուք բոլորդ եղբայրներ էք եւ մէկ ուսուցիչ ունիք: Երկրի վրայ ոեւէ մէկը “հայր” մի՛ կոչէք, որովհետեւ դուք մէկ Հայր ունիք, որ երկինքի մէջ է: “Առաջնորդ” մի՛ կոչուիք, որովհետեւ ձեր միակ առաջնորդը Քրիստոս է: Ձեր մէջէն մեծը թող ձեր սպասաւորը ըլլայ: Ով որ իր անձը կը բարձրացնէ՝ պիտի խոնարհի, եւ ով որ իր անձը կը խոնարհեցնէ՝ պիտի բարձրանայ: «Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ երկինքի արքայութիւնը կը

փակէք մարդոց առջեւ. դուք չէք մտածեր եւ թոյլ չէք տար նաեւ անոնց որ կ'ուզեն մտնել:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ մէկ կողմէ այրինքը ունենալը իրենց ձեռքէն կը յափշտակէք, միւս կողմէ կեղծաւորութեամբ ձեր աղօթքը կ'երկարէք. ասոր համար աւելի խիստ դատապարտութիւն պիտի ընդունիք:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ մէկ կողմէ ծով ու ցամաք կը շրջիք մէկը նորահաւատ ընելու համար, իսկ երբ յաջողիք՝ զայն ձեզմէ կրկնապատիկ աւելի գեհնի արժանի կ'ընէք:

«Վա՛յ ձեզի, կոյր առաջնորդներ: Կ'ըսէք. “Ան որ տաճարին վրայ կ'երդնու” երդումը կատարելու պարտաւորութեան տակ չէ, բայց ան որ տաճարին ոսկին վրայ կ'երդնու” պարտաւոր է կատարելու”: Յիմարնե՛ր, կոյրե՛ր. ո՞ր մէկը կարեւոր է, ոսկի՞ն թէ տաճարը, որ կը սրբազործէ ոսկին: Կամ կ'ըսէք. “Ան որ զոհի սեղանին վրայ երդում կ'ընէ” երդումը կատարելու պարտաւորութեան տակ չէ, բայց ան որ կ'երդնու սեղանին դրուած զոհին վրայ՝ պարտաւոր է կատարելու”: Յիմարնե՛ր, կոյրե՛ր. ո՞ր մէկը աւելի կարեւոր է. զոհ՞ը թէ զոհասեղանը, որ կը սրբազործէ զոհը: Հետեւաբար, ով որ կ'երդնու սեղանին վրայ, կ'երդնու թէ՛ սեղանին եւ թէ՛ հոն եղածներուն վրայ: Ով որ կ'երդնու տաճարին վրայ, կ'երդնու թէ՛ տաճարին եւ թէ՛ Աստուծոյ վրայ, որ հոն կը բնակի: Նոյնպէս, ով որ կ'երդնու երկինքի վրայ, կ'երդնու թէ՛ Աստուծոյ գահին եւ թէ՛ Աստուծոյ վրայ, որ հոն կը նստի:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ անանուխին, սամիթին եւ չամանին տասանորդը կու տաք եւ կ'անտեսէք Օրէնքին կարեւոր պարտաւորութիւնները, այսինքն՝ արդարութիւնը, ողորմութիւնը եւ հաւատարմութիւնը: Ասոնք պէտք է գործադրել, առանց միւսները անտեսելու: Կո՛յր առաջնորդներ, մէկ կողմէ մօղուկը կը քամէք, միւս կողմէ սակայն ուղտը կը կլլէք:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ պնակին ու գաւաթին արտաքինը կը մաքրէք, մինչ գիտէք թէ ներսիդին եղող ուտելիքն ու խմելիքը ի՛նչ

յափշտակութեամբ եւ աղտեղութեամբ ձեռք բերած էք: Կո՛յր փարիսեցի, նախ գաւաթին եւ պնակին ներսը մաքրէ. այսպիսով դուրսն ալ մաքուր կ'ըլլայ:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ կը նմանիք կիրով ճերմկցուած գերեզմաններու, որոնք արտաքինապէս գեղեցիկ կ'երեւին, բայց ներքինապէս լեցուն են մեռելներու ոսկորներով եւ ամէն տեսակի պղծութեամբ: Նոյնպէս էք դուք. արտաքինապէս մարդոց արդար կ'երեւիք, բայց ներքինապէս լեցուն էք կեղծաւորութեամբ եւ անօրէնութեամբ:

«Վա՛յ ձեզի, կեղծաւորներ, օրէնքի ուսուցիչներ եւ փարիսեցիներ, որ մարգարէներու շիրիմները կը շինէք եւ արդարներուն գերեզմանները կը զարդարէք ու կ'ըսէք. “Եթէ մենք մեր հայրերուն ժամանակը ապրած ըլլայինք, մարգարէներու սպանութեան մասնակից պիտի չըլլայինք”: Ահաւասիկ, դուք արդէն իսկ կը վկայէք թէ որդիներն էք անոնց՝ որոնք մարգարէները կոտորեցին: Գացէք մաքող ջացուցէք ձեր հայրերուն կիսատ ձգած գործը: Օձե՛ր, իժերո՛ւ ծնունդներ, ինչպէ՞ս պիտի կարենաք փախուստ տալ դժոխքի դատապարտութենէն: Ահա, ես ձեզի մարգարէներ, իմաստուններ, օրէնքի ուսուցիչներ պիտի ղրկեմ. դուք անոնցմէ ոմանք պիտի սպաննէք, ոմանք խաչէք, ուրիշներ ժողովարաններու մէջ պիտի չարչարէք եւ հալածէք քաղաքէ քաղաք: Այսպիսով բոլոր արդարներուն սպանութեան մասնակից եղած պիտի ըլլաք, սկսեալ անմեղ Աբէլի արիւնէն մինչեւ արիւնը Բաբելայի որդի Զաքարիայի, զոր սպանեցիք տաճարին եւ զոհասեղանին մէջտեղ: Հաստատ գիտցէք, թէ այս բոլոր ոճիրներուն պատիժը պիտի կրէք դուք:

«Երուսաղէ՛մ, Երուսաղէ՛մ, որ կը կոտորէիր մարգարէները եւ կը քարկոծէիր Աստուծոյ քեզի ղրկած մարդիկը. քանի՜ անգամ ուզեցի որդիներդ հաւաքել, ինչպէս հաւը իր ձագերը կը հաւաքէ թեւերուն տակ, բայց դուք, Երուսաղէմի՛ բնակիչներ, չուզեցիք: Ահա, “աւերակ պիտի ըլլայ ան տունը”: Բայց կ'ըսեմ նաեւ, ա՛լ պիտի չտեսնէք զիս մինչեւ որ ըսէք. “Օրհնեալ ըլլայ ան որ կու գայ Տիրոջ անունով”»:



ՈՂՈՐՄՈՒԹԵԱՆ ԿԱՆՉ ՄԸ ԱՊՈԹԵՆԵՐ ԾԷՆԵՍԻՆ

ՀԵՂԻՆԱԿ՝ ՀԷՆՐԻ ՆՈՒԸՆ

ԹԱՐԳԱՆՈՒԹԻՒՆ՝ ԿԱՐՕ ՍՐԿ. ՆՈՒՆՈՒՏԵԱՆԻ

ՀՈԳԻԻԴ ՀԱՍՈՂՈՒԹԻՒՆԸ

Քաղցր Տէր, ներքին խառնաշփոթին ու անհանդարտութեան մէջտեղ, մխիթարիչ միտք մը կայ. կ'աշխատիս մէջս թերեւս այնպէս, որ չեմ կրնար տակաւին զգալ, փորձառութիւնը ապրիլ կամ հասկնալ: Միտքս կարող չէ վրադ կեդրոնանալ, սիրտս

կարող չէ կեդրոնաւոր մնալ, եւ այնպէս կը թուի, որ բացակայ ես, եւ՝ զիս մինակ լքած: Բայց հաւատքով կը փարիմ քեզի: Կը հաւատամ որ Հոգիդ մտքէս ու սրտէս աւելի խոր եւ անդին կը հասնի. եւ թէ խորունկ շարժումները չեն առաջին նկատուածները:

Ուրեմն, Տէր, կը խոստանամ որ պիտի չփախչիմ, տեղի պիտի չտամ, պիտի չդադրիմ աղօթելէ, նոյնիսկ երբ ամէն ինչ կը թուի ըլլալ անօգուտ, անիմաստ, եւ ժամանակի ու ջանքի վատնում: Կ'ուզեմ որ գիտնաս, թէ կը սիրեմ քեզ, հակառակ անոր որ քեզմէ սիրուած չեմ զգար. եւ կը յուսամ քեզի, հակառակ անոր որ յաճախ յուսահատութեան փորձառութիւնը կ'ապրիմ:

Թող ասիկա փոքր մեռնիլ մը ըլլայ քեզի հետ ու քեզի համար, որպէսզի միասնութեան մը փորձառութիւնը ապրիմ այս աշխարհի միլիոններուն հետ, որոնք ինձմէ շատ աւելի կը տառապին: Ամէն:

(Շար. 39)

Ս. Յակոբ Առաջնորդանիստ
Մայր Եկեղեցւոյ մէջ
ՆԵՐԿԱՅԱՅՈՒՄ
Չարեհ Արք. Ավանդեանի
«ՅԱՍԿՆԱՆՔ ՄԵՐ ՊԱՏԱՐԱԳԸ»
Գրքոյկին

Շաբաթ, 5 Ապրիլ 2025,
Երեկոյեան ժամը 6.00

Յետ ներկայացման՝
խորաքանչիւր ներկայի
գրքոյկէն օրինակ մը նուէր պիտի տրուի
Նուիրատուն՝
պրն. Յակոբ Իսփէնճեան

Կը ներկայացնեն
Ս. Յակոբ Կիրակնօրեայ դպրոցի
ուսուցիչներ՝
Յարութ Զուլճեան
եւ Գրիգոր Պէրբեան

ՀԱՍԿՆԱՆՔ ՄԵՐ ՊԱՏԱՐԱԳԸ



ՍՈՒՐՔ ՊԱՏԱՐԱԳԻ ԶԱՐԳԱՅՈՒՄԸ,
ԿԱՌՈՅՑԸ, ԲՈՎԱՆԳԱՎՈՒԹԻՒՆԸ

ԶԱՐԵՎ ԱՐՔ. ԱԶՆԱՒՈՐԵԱՆ

ԱՆԹԻՒՍՍ
2019

ԶԱՏՎՈՒՄ ԻՐԱԳԻՆ

Ս. ՅԱՐՈՒԹԵԱՆ ՏՕՆԻՆ ԱՌԹԻ,
ՎԱՏԱՀ ԵՆՔ,
ՈՐ յԵՐ ԲԱՐԵՊԱՇՏ ԺՈՂՈՎՈՐԴՈՒ
ՊԻՏԻ ՉՄՈՂՆԱՂ
ԿԱՏԱՐԵԼՈՒ ԻԴՂԱԳԻՆԻ ԻՐ ԱՐՏԱՔՈՒՄ
ՆՈՒՐԱՏՈՒԹՅՈՒՆԸ:

ՀԻՄՆԱԴԱՆԵՐՈՒՄ ԱՅԵԼՈՒԹՅՈՒՆ

Բարեհաճեցէք հեռաձայնել
Արժ. Տ. Գառնիկ
Աւ. Քինյ. Գոյումեանի.
514 909 5203 թիւին:

ՏՆՕՐՀՆԷՔ

Տնօրհնէք փափաքող ընտանիքները,
թող բարեհաճին դիմել
Տ. Գառնիկ Աւ. Քինյ. Գոյումեանի,
հեռաձայնելով
514 909 5203 թիւին:

ՀՈԳԵՀԱՆՊԱՏԵԱՆ

Ձեր արձանագրութիւնները
նախօրօք կ'աւարտէ՛ք կ'աւարտե՛լով
ԵԿԵՂԵՇԻՂ ԳՐԱՍԵՆԵԱԿ:

ԱՅԵԼԵՇԷ՛Ք

ԵԿԵՂԵՇԻՂՍ

ԴԻՄԱՏԵՏՐԻ ԷԶՈ

ԵՒ

ՁԵՐ ՀԱՎԱՆՈՒԹՅՈՒՆ ԵՎ ՏԵՂԵՇԷ՛Ք (like).

www.facebook.com/

SourpHagopChurchMontreal

ԱՅԵԼԵՇԷ՛Ք ՆԱ

ԵՒ

Ս. ՅԱՎՈՒ ԱՌԱՋՆՈՐԴԱՆԱՍ

ՄԱՐ ԵԿԵՂԵՇԻՂ ԿԱՔԷԶՈ՛

www.sourphagop.net

ԹԵՐԹԻԿԻ ՆԱԽՈՐԴ ԹԻԲԵՐՈ

ԿՐՆԱՔ ԳՏՆԵԼ

[**www.sourphagop.net**](http://www.sourphagop.net)

ԿԱՔԷԶԻՆ ՎՐԱՂ

ԹԵՐԹԻԿԻ ՆԱԽՈՐԴ ԹԻԲԵՐՈ

ԿՐՆԱՔ ԳՏՆԵԼ

[**www.sourphagop.net**](http://www.sourphagop.net)

ԿԱՔԷԶԻՆ ՎՐԱՂ



ՍՈՒՐԲ ՅԱԿՈԲ ԱՌԱՋՆՈՐԴԱՆԻՍ ՄԱՅՐ ԵԿԵՂԵՑԻ

Կիրակի, 20 Ապրիլ 2025, յետ միջօրեի ժամը 2:00
Մոնթրեալի Հայ Կեդրոն

ԶԱՏԿՈՒԱՅ ՃԱՇԿԵՐՈՅԹ

Տեղեր ապահովելու համար
հաճեցեք հեռաձայնել
Լէօն Արապեանին՝ 514-713-5366
Մուտքի սակ՝ 60\$
5 -12 տարիքի փոքրերու 35\$



ՄԵԾ ՊԱՅՈՑ ԼՍԱՐԱՆ ՅԵՏ ՀՍԿՈՒՄԻ ԺԱՄԵՐԳՈՒԹԻՒՆՆԵՐՈՒՆ

Սկիզբ ժամերգություններուն՝ երեկոյեան ժամը 7.00

6

Զորեքշաբթի, 9 Ապրիլ,
յետ Հսկումի ժամերգութեան
«Հաւատամբ...ի մի Մկրտութիւն»
եւ մանուկներու Մկրտութեան մասին
կը խորհրդածե՛ հովիւը՝
Արժ. Տ. Գառնիկ ԱԼ. Զինյ. Գոյունեան

ԱՐԵՒԱԳԱԼԻ ԺԱՄԵՐԳՈՒԹԻՒՆՆԵՐ

*Մեծ Պահոց Հինգշաբթի Օրերուն
(10 Ապրիլ)*

Սկիզբ ժամերգություններուն՝
ժամը 11.00-ին

Ապա
Խորհրդածություններ
Նիւթ՝
«Տիրոջմէ Յիշուիլ, Յիշել Տերը»